



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-11-3884/21 BT
Datum: 31.03.2021. godine

Na osnovu člana 17. stav (1), čl. 18. i čl. 8. Zakona o javnim nabavkama („Službeni glasnik BiH“, broj: 39/14) te člana 1. stav (1) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ 66/16), a u skladu sa članom 70. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05), ministar donosi:

POSEBNU ODLUKU

o pokretanju postupka javne nabavke neprioritetnih usluga – usluge prevođenja

Član 1.

(Predmet javne nabavke)

- (1) Odobrava se pokretanje postupka javne nabavke usluga pismenog prevoda sa engleskog jezika na jedan od službenih jezika BiH, i vice versa, prema CPV: 79530000-8, usluge prevođenja, u ukupnoj procijenjenoj vrijednosti do 50.000,00 KM bez PDV-a.
- (2) Javna nabavka se pokreće u skladu sa članom 17. stav (1) Zakona o javnim nabavkama, kojim je propisano da ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke.
- (3) Javna nabavka se provodi za period 2021. godine.
- (4) Za sprovođenje javne nabavke osigurana su sredstva na poziciji tekućih izdataka Ministarstva, konto 619000– Druge ugovorene i posebne usluge.

Član 2.

(Tenderska dokumentacija)

Tenderski dokument je sastavni dio ove odluke.

Član 3.

(Postupak javne nabavke)

- (1) Javna nabavka iz člana 1. ove odluke vrši se prema postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“ broj 39/14)(u daljem tekstu: Zakon), na osnovu pisanog poziva, u skladu sa članom 8. Zakona i Pravilnikom o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16) (u daljem tekstu: Pravilnik).
- (2) Ponude se dostavljaju elektronskim putem u skladu sa zahtjevima koji će biti definisani javnim pozivom.
- (3) Kriterij za dodjelu ugovora je najniža cijena tehnički zadovoljavajuće ponude.



Član 4.

(Stupanje na snagu i objava)

Ova odluka stupa na snagu danom donošenja i objavljuje se na web stranici Ministarstva, zajedno sa tekstom Javnog poziva.

OBRAZLOŽENJE

U skladu sa članom 8. Zakona i Pravilnikom o postupku dodjele ugovora o uslugama iz Aneksa II. dio B Zakona predmetna nabavka se vrši putem posebnog režima dodjele ugovora o uslugama iz Aneksa II. dio B Zakona.

Nabavka usluga iz člana 1. Odluke zasnovana je na potrebama Ministarstva saobraćaja za uslugama prevođenja iz oblasti koje su u nadležnosti ministarstva.

Radi poštivanja osnovnih principa transparentnosti, neselektivnog i pravičnog pristupa konkurenciji, donošenjem ove odluke omogućava se jednak pristup javnim sredstvima svim zainteresiranim i kvalificiranim ponuđačima

Shodno navedenom donosi se Odluka kao u dispozitivu.

